



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CCCLXXXV. Die Stadt Prenzlau verschreibt Lösegelder für Gefangene dem
Hartig Moltzan zu der Oft, am 5. November 1478.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

wifzen ſchal, alſze rech is. Hyr by, an vnde auer ſzynt gewefen Laurentze Beſzenbrow vnde Achim Kethelhake vnde mer frame lude loue alle vnde tuges wol werdich. To groter tuchniſſe vnd mer witticheyt hebbe Ick Hans van Bredow myn Ingelzegel witliken laten henghen an deſſen apen Brieff, De geſcreuen ylz nar der Bordt chriſti virthehen hundert iar, dar na in deme vir vnde ſouentigſten iare, ame dage des hilligen Bichtigerers ffranciſſi.

Nach dem Originale des Preuzlauer Stadtarchives.

CCCLXXXV. Die Stadt Preuzlau verſchreibt Löſegelder für Gefangene dem Hartig Moltzan zu der Oſt, am 5. November 1478.

Vor alſzwem, dar deſſze vnſe bryff vorkumppt, dy en ſihen edder horen leſzen, Befunden vor Jw Erbare vnde wolduchtighe Hartich Moltzan, Slothſethen tor Oſt, Bekennen wy borgermeiſter vnde Rathmanne to Premſzlow, dat wy louen in krafft deſſes vnſes vorſegelden bryues in guden waren truuen von ſzodane ghelt, Nemliken hundert gulden goldes, dar upp dy gefanghen vnſe medeborgher Marcus ghorneman vnde peter wefer vthgedinghet vnde den ende erer gefenckniſſze van Jw gekregghen hebben icklich vor veſtich gulden gheld. Iſſzet dat ſy vnde eyne Jewelk van en erer lethmathe vngelemet vnde vnuordorffen, verdich vnde gefunth loſz werden moghen, Scholen vnde willen wy borgermeiſtere vnde Rathmanne bauenſcreuen Iro Erbenomede hartich moltzan van der gnanten vnſer medeborgher wegghen ſodane ghelt, Nemliken hundert gulden gheld, vpp vnſer lynen frowen dach lichtmiſſzen negſtkomende bereyden vnde tor nughe betalen ſunder Jennigerleye geferde, Infall, hulpteworth, Infindinghe vnde argelyft. Weret ſake, dat dy bereydinghe des ergnanten geldes vpp dy tidt, alſe beruret ys, nicht en ſcheghe vnde gy vorgnante hartich moltzan dar Jennighen bewyſzliken ſchaden vmme deden, to Criften effte Joden vpp kyſtenpande woker, des ſchaden lauen wy borghermeyſter vnde Rathmann ouenſcreuen Jw ergnante Hartich Moltzan gentliken vnde fullenkamen to benemende ſunder alle hulperede vnde arghelyft edder nye Infindinghe, dy vns to hulpe kamen muchte vnde Jw hinderlick weſzen. To orkunde, bekanntniſſze vnde mehr beſefinghe hebben wy vnſe Stath Ingeſegell meth willen vnde wytſchopp nedden an deſſzen bryff hythen hanghen, dy gegheuen vnde geſcreuen ys na der borth Criften vnſzes heren duſent virhundert Ime LXXVIII yare, ame donredaghe negſt na aller hilghen dach.

Nach dem Originale des Preuzlauer Stadtarchives.